

مکتبہ اسلامیہ

۱۸ نجی سنہ

۱۵ شعبان ۱۳۱۵

جزء عدد : ۷۶



گریدك احوال عمومیه و تاریخیه سی

[مابعد عن جزؤ ٧٥]

— ١٧ —

تجارت

گرید جزیره سنك معاملات تجاریه سی اسکندنبرو اهمیتی حاز اقله رق بالاده ذکر و بیان اولندی و جه اوزره ازمنه قدیمه ده غورتینا بلده سی اهالیسی ماطالالیمانی واسطه سیله فنیکه لیلر ایله مناسبات مهمه تجاریه ده بولنمشلردر .

وندیک زماننده دخی جزیره نك تجارتی حاز اهمیت درجه ده اقلوب حتی اول زمان بر جوق اجنبی و باخصوص انگلیز تجاری گریده مقیم ایدی . شوراسی دخی مرویدرکه انگلتره دولتک ایلك قونسولوسلنی ۱۵۲۲ سنه میلادیه سننده گریده جزیره سی هنوز وندیک حکومتک تحت اداره سننده ایکن گریده احداث اولنمشدر . اول وقت انگلتره قرالی بولنان سکرنجی هاری Henry VIII جزیره ده متوطن Censio di Balthazar جنسیودی بالطازار نام تاجری قونسولوس نصب و تعیین ایدوب کندوسنه "Master, Governor, protector and Consul of all and singular the merchants and other his lieges and subjects within the port, is land and country of Crete or Candia." گریده جزیره سننده و لیمانلرنده بولنان بالجمله تبعه سنك و باخصوص تجارتک مدیر امورلری و حامیسی و قونسولوسی عنواتی ویرمشدر .

اخیراً دخی معاملات تجاریه محلیه اهمیتدن عاری اقلیه رق زیتون یاغی ایله صابونلر

اخراجاتہ برنجی موقعی احراز ایتشدر . جزیرہ دن اخراج اولان دیگر محصولات ایسہ پور تقال ، پلاموط ، پیئر ، حریر ، بال ، بال مومی ، شراب ، لیون ، بادم ، الما ، خرنوب ایلہ جزویات قبیلندن اولان دیگر بعض نوع محصولاتدر .

گریڈہ ادخال اولان اشیای تجاریہ و سائرہ نک باشلیجہ لری ایسہ خطہ ، دقیق ، آریہ ، برنج ، بقالائو دینلان طوزلی بالق . سادہ باغ ، شکر ، قہوہ ، توتون ، انفیہ ، اسپرتو ، روم ، کراستہ ، دیمیر ، قورشون ، کاغذ انواع افشہ و سائرہ در .

* ادخالات و اخراجات و محصولات محلیہ و باجلہ معاملات تجاریہ دائر ال مکمل راپورلر بوندن اول آوستریا - مجارستان و آلمانیا دولترینک جنرال قونسلوسی مأموریتلہ گریڈہ بولنخس اولان و مؤخر آ آوستریا ایمپراطورندن مستشار دولت عنوانی احراز ایدن موسیو فردیناند فون میکشہ "Mr. Ferdinand von Micksche, ex-Consul-Général d'Autriche-Hongrie et d'Allemagne en Crète, Conseiller Ministériel S. et R." [۱] طرفندن قلم آلمخس راپورلردرک آوستریا حکومتی طرفندن ویانہدہ چیقان آوستریا Austria نام رسمی غزتیہ درج ایلہ اعلان اولنمشدر . ادخالات دایما اخراجاتن ازیڈ ایسہدہ ہر حالہ زیتون محصولی کریڈٹ باشلیجہ ثروتی اولدیغندن ، محصول مذکورہ فیض و برکت اولدینی تقدیردہ اخراجاتک مقداری تزیڈ ایدرک اول حالہ ادخالانک مقداریدہ آگنا نسبتلہ تزیڈ ایدر . بۇ بابدہ بر فکر سالم حاصل اوله یلک اوزرہ بر لیماندن ایکی سہنہدہ وقوعبولان اخراجات و ادخالانک مقدارنی مثال اوله رق ذکر ایتک مناسب گورلمشدر .

۱۸۸۹ سنہ میلادیہ سہنہ قندیہ لیماندن وقوع بولان ادخالانک مقداری ۵,۲۸۵,۰۰۰ فرانقن وینہ سنہ مرقومہدہ مذکور لیماندن وقوعبولان اخراجاتک مقداری ۵,۰۸۹,۵۰۰ فرانقن عبارت بولنخس اولدینی حالہ سنہ آتیہدہ یعنی ۱۸۹۰ سنہ سہنہدہ مذکور لیماندن ۸,۱۱۶,۰۰۰ فرانقن قیمتدہ اخراجات و ۷,۰۱۱,۰۰۰ فرانقن قیمتدہ ادخالات وقوعبولمشدر . صحتہ ال مقارن اولان تخمیناتہ گورہ عموم کریڈٹ ادخالانی ۷۵,۰۰۰,۰۰۰ غروش و اخراجاتی دخی ۴۵,۰۰۰,۰۰۰ غروش

(۱) موی الیہ برقاچ ماہ اول درسمادتہ وفات ایتشدر .

رأده سند در . اجرای تجارت ایچون گریده نه قدر کمی و واپور گیدوب گلیکده
اولدیغنك آكلاشلئنه مدار اولق اوزره بر سئنهك سفرلری مبین اولان جدول
آتی قید اولنور :

صورت جدول

عن ابتدای مارت سنه ۱۸۸۹ الی غایه شباط سنه ۱۸۹۰

حانیه لیمانه		
۲۹۷	واپور	
۶۸۲	یلکن سفینه لری	طونیلاطه
۹۷۸	یکون	۲۱۴,۲۵۵
رسمو لیمانه		
۲۷۲	واپور	
۴۱۶	یلکن سفینه لری	
۶۸۸	یکون	۱۹۰,۱۵۱
قندیه لیمانه		
۲۸۱	واپور	
۹۸۶	یلکن سفینه لری	۲۰۹,۴۹۸
۱,۲۶۷	یکون	۶۱۴,۱۰۴
		یکون طونیلاطه

بالاده کی جدولدن آكلاشلئنی اوزره بر سئنه ظرفده جزیره نك باشلیجه
لیمانلری اولان حانیه و رسمو و قندیه سفر و یرمش اولان واپور و یلکن سفینه لری
۶۱۴,۱۰۴ طونیلاتو استیعابنده بولمئشدر .

دیار اجنبیه دن جزیریه ادخال و گریدن اخراج اولان هر درلو اشیا ای تجارتیه
ایچون کمرکجه رسوم مقننه استیفا اولمقده اوله رق مملک عثمانیه دن گریده تذکره ملی
اوله رق ادخال اولان اشیا ایچون رسم آلمامقده اولدیغندن جزیره نك کمرک
حاصلاتی قیلدر .

مثلا ۱۸۸۸ سنه سی مارتی ابتدا سندن ۱۸۸۹ سنه سی شباطی نهایتنه قدر
بر سنه ظرفده وقوع بولان معاملات دأر گرید رسومات مقننلکی طرفندن مقام

ولایتہ تقدیم اولنوب اول وقت نشر و اعلان اولان ۱۳۵ نومرولی بر قطعه لایحه ده
کوسترلدیگی وجه اوزره سنه مرقومه ده رسومات حاصلاتی ۳,۴۵۴,۶۰۲ غروش
۳۵ یازمه بالغ اولمش و سنین سارده ده دخی حاصلات مذکوره دنما اوتوز بش اوتوز
آلتی بیک ایرادن نهایت اوتوز طقوز قرق بیک لیرایه قدر واره تیلش در .

۱۸

حرف و صنایع

حرف و صنایعه ده کریک جزیره سی اهالیسی بک کیرو قالمشدر .
زیتون دانه لرینی تعصیر ایله زیت حاصل ایتمک اوزره بک اسکی سیستمه یاغ
اعمالخانه لری حالا جزیره ناک اکثر طرفلرنده واردر .
کریک جزیره سی اداره مصریه ده ایکن او مثللو یاغ اعمالخانه لری حکومته عائد
اوله رق هرکس زیتون دانه لرینی اورداده تعصیر ایستدروب رسوم مقننه یی ویرمه
مجبور بولمش و یاغ اعمالخانه سی یاغ اوزره هیچ برکسمه ماذونیت ویرلماکده
بولمش ایدی . مؤخرأ جزیره بشکرار سلطنت سنیه ناک طوغریدن طوغری به
اداره سی آلتیه آلدقده بواصول لغو اوله رق یاغ اعمالخانه لرینک یاغلی سربست
بر اعلمشدر . بوناک اوزرینه هر یرده بویله یاغ اعمالخانه لری یاپدیرلدیغندن تخمیناً
جزیره ده ۳۲۷۰ قدر واردر . فقط بر قاچ سنه دنبرو زیتون دانه لرینک تعصیری
ایچون تیموردن معمول فابریقه لرک استعماله دخی مبادرتله بوقیلدن یوز قدر فابریقه
انشا اولمشدر .

یاغ فابریقه لرندن صکره برنجی درجه ده حائز اهمیت اولان فابریقه لر صابون
فابریقه لریدر . چونکه کریک صابونلری هر یرده شهرت قزانش اولدیغندن هر بار
مقدار کلی صابون اعمال و بر جوق یرلره سوق وارسال اولور . صابون اعمالی
ایچون قرق بش قدر فابریقه انشا اولمش و جمله سی حایه و رسمو و قدیه شهرلری
ایچنده بولمشدر .

اسمی آنفاً بیان اولسان سیاح ساوارینک افاده سندن آکلاشلدینی اوزره
 گریده اجرای سیاحت ایتدیگی تاریخن بر قاج سنه اول بر فرانسر صابون
 اعمالی گریدلوره تعریف اتمش و اولوقندبرو صابون فابریقه لری حزیرده تأسیس
 اولغشدر . سیاح مومی الیه او فرانسزک وطنی سومدیگنی و مارسلیانک صابون
 تجارتیه بیوک ضرر اراث ایلدیگنی بیان ایله صابون اعمالی حقنیده گریدلوره
 ارائه طریق ایتسندن طولانی کندوسنی تقبیح ایتکده در .

بش یوز قدر دقیق دکرمانلری دخی وار ایسه ده هان جمله سی پک اسکی
 طرزده در . دقیق فابریقه سی دینله بیله جک آنجق ایکی اوچ فابریقه انشا اولغشدر .
 مسکرات فابریقه لری ده او حالده در . حریرک حصولی ایچون استعمال اولنان
 آلات وادوات دخی غایت عادی و پک اسکی اصول اوزره یابیش شیلدر در .
 حزیرده استعمال اولنان کوبلر و جوملکلرک و سائر بؤکی شیلرک قسم اعظمی
 محلیده اعمال اولغشده در .

قندیده بیاض رنگده حریردن بر نوع قماش اعمال اولغشده در . « حاشلامه »
 اسمیه معروف و حزیرک نیک هر طرفده مشهور اولان بؤقاش حالا اعمال اولغشده
 ایسه ده اسکی زمانلرده اعمال اولنان قدر نفیس دکلدر .
 هرد لوکلیمز و نوگن پرده لر و « بطالیه » تعبیر ایتدکلری یتاق او تولری اسفاکیه ده
 اعمال اولغشده اولوب اسفاکیه به مخصوص اولان بؤمثللو معمولات غایت متین و گوزلدرد .
 ۱۸۵۵ سنه سنده یار سده کشاد اولنان سرکی به سائر بعض معمولاتیه برابر
 اسفاکیه کلیملری دخی گوندریلوب تشهیر اولغشدر .

ازمنه قدیمده صوبک بر طرفدن دیگر بر طرفه اسالہ سی ضمتنده بیوک صو
 یقللری یاپدیریلوب بؤصو یقللر ایچون پک جسم انشا آتده بولغشده ایدی . بو مثللو

انشآت جسمیہ ناک آثار متعددہ می آں غورینا بلده سی خرابیہ لیسٹک جوارنده
و میلوپوٹامو قضااسنده آقسوس موقعنده و سلنه قضااسنده سویا اوومسندہ و دیگر
بعض یرلرده مشاهدہ اولمقدهدر .

وندیکولر زمانسده جزیره ناک ایچ طرفلرندہ پک چوق قالدیرملی یوللر
پایدیروب بر چوغی حالا باقیدر . برده اوتاریخده ایکی یردن قندیہ شہرینہ صو
اسالہ اولہرق قرہ طاغ دیسلان طاغدن شہرہ قدر فرش اولسان اوزون صو
یوللری ۱۶۲۰ سنہ میلادیہ سندہ وندیکلو فرانسسکو موزینی طرفندن پایدیرلمشدر .
حانیہ و قندیہ و رسمو لیمانلری دخی اولوقت بابلمشدر .

کریڈٹ قحندن صکرہ کذلک بر چوق قالدیرملی یوللر و دیگر امورنافعیلہ برابر
متعدد کوپریرلر و چشمہلر پایدیریلوب بر خیلیدی حالا موجوددر .

کریڈت اداره مصریہ دہ ایکن ۱۲۵۰۰۰ فرانق صرفیلہ وندیکلو موزینی طرفندن
پایدیرلیدی بالادہ ذکر اولنان صو یوللری تعمیر اولہرق حالا اویولدن شہرہ صو
جریان ایدبور . قندیہ و رسمو حانیہ لیمانلری دخی اداره مصریہ طرفندن تعمیر اولمشدر .
حانیہ لیمانی تشکیل ایچون اوچ یوز مترونی متجاوز بر ریختم مجسدا تعمیر ایدلمش
اولدینی کی مذکور لیمان پویرازہ معروض اولہرق فورطنہ آسانسندہ پک شدتلی طالعہلر
چارمقده اولمسبلہ لیمانک بو طالعہلردن محافظہ سی ضمنندہ مذکور ریختمک طیش
طرفہ پک بیوک یازچہ قیالر آتلمش اولدیغندن امواج متابعہ بوقیالرہ چارپہرق قوتدن
دوشمکدہ و بئو صورتلہ ریختم طالعہلرک شدت تصادمندن مصون قالمقدهدر . مذکور
ریختمک لیمانک اغریبہ طوغری اولان جہتندہ برقرار وارددر . وندیکولر زمانسده دخی
اورادہ برقرار بولنش اولدینی Il regno tutto di Candia عنوانیلہ وندیکلو مارکو بوسکینی
Marco Boschini طرفندن ترتیب اولنوب ۱۶۵۱ سنہ میلادیہ سندہ طبع و تمثیل اولنش
و ایوم آثار نادرہ صرہ سنہ کچمش اولان کریڈت اطلسی ایچندہ مندرج حانیہ شہرینک
خریطہ سندن آکلا شلمقدهدر . ۱۸۶۶ حادثہ لرندن صکرہ عساکر عثمانیہ طرفندن
جزیره ناک ایچ طرفلرندہ غایت منتظم یوللر کشاد اولنش اولدیغندن وسائط اختلاط
کسب سہولت ایتیش ایدی . ۱۸۸۱ سنہ میلادیہ سندہ مجلس عمومیہ طرق و معابر حقندہ

بر نظامنامه مخصوص وضع ایدملشدر . اشبو نظامنامه احکامجه طرق درت صنف اعتبار اوله درق قضال مرکزینی یکدیگریسه ولیمانله ربط ایدنله طرق عامه و بر قضا داخلده بولان نواحینک مرکز لینی یکدیگریسه و یا جوار قضال نواحیسی مرکز لینه و بر طریق عام ولیمانله ربط ایدانله قضا طریقاری و بر ناحیه داخلنده واقع کویلری یکدیگریسه و ناحیه مرکزینه و یا بر طریق عامه و یا خود بر قضا طریقله ربط ایدنله نواحی طریقاری و بر قریه و یا بر محله مخصوص اولان بولدره دخی کوی طریقاری نامی و بر یله رک طرق عامه ایله قضا طریقاری مصارفک طرق تخصیصاتندن اعطاسی و نواحی و کوی طریقاریک مصارف انشاییه و تعمیریه لریک دخی نواحی و قرا اهالیسی طرفندن تسویه سی نظامنامه مذکورک جمله احکامندن بولمشدر .

کذلک نظامنامه مذکور احکامجه اهالی جزیره ثروتلری اعتباریله اوج صنفه تقسیم اوله درق . برنجی صنف اعتبار اولانلر سنده بش و ایکهی صنفدن عد ایدیلانلر سنده اوج و اوچجی صنفدن معدود بولانلر سنده ایکی گونده لک ایله مکلف و اشبو گونده لکلری بدنا و یا بدلاً ویرمگه مجبور طوتلشلردر .

فیضلی سنه لر بودجه لریسه امور نافعہ ایچون بر مقدار تخصیصات درج اوله درق اشبو تخصیصات نظامنامه مذکور موجبجه تشکیل اولسان طرق صندوقه سرمایه اتخاذ اولمش ایدی .

گربده موجود منافع صندوقی تمتاعندن دخی ۱.۸۰۰.۰۰۰ بوقدر غروش و قتیله بالتفریق طرق صندوقه اعطا ایدملشدر .

حلیا قرارنامه سنک اؤن اوچجی ماده سنک فقره ثانیه سی حکمجه فضله واردات ظهور ایدرایسه اشبو فضله نک نصفی هزینه دولته عائد اولق و دیگر نصفی جزیره ده امور نافعہ به صرف اوللق مشروط بولمش اولدیغندن و ۱۸۸۱ - ۱۸۸۰ و ۱۸۸۳ - ۱۸۸۲ سنه لری اموالندن فضله ظهور ایتدیگندن ۱ - ۱۸۸۰ سنه لری نصف فضله سی اولان ۳۲۱.۳۷۵ غروش ایله ۳ - ۱۸۸۲ سنه لریک کذلک نصف فضله سی بولمش اولان ۳.۱۰۲.۲۴۱ غروش برلشدیریلرک بؤمقدار

آچہدن ۳۰۰,۰۰۰ غروش قضا یوللریٹک تسویہ سنہ و ۴۰۰,۰۰۰ غروش کوجک ایرمقلر اوزرینہ کوپریرلر انشاسنہ و ۴۰۰,۰۰۰ غروش لیمان و ریختم تعمیراتنہ و ۲۰۰,۰۰۰ برمرکر حبسخانہ سنک بناسنہ و ۳۴۳,۰۰۰ غروش جذام علتتہ مبتلی اولانلرک اقامتہ مخصوص اولمق اوزرہ جذمخانہلر تأسیسنہ و ۱۰۰,۰۰۰ غروش حانیہ و رسموده کی حبسخانہلرک تعمیرینہ و ۱۵۰,۰۰۰ غروش فقرای- خستگانہ نواحی مدیریترلی معرفتیلہ ویرلک اوزرہ معالجات مقتضیہ نك مبايعه سنہ و ۱,۱۵۰,۰۰۰ غروش اسلام و خرسیدان مکتبلرینہ و قصوری دیگر بعض تأسیساتہ تخصیص اولنمش ایدی .

اوقاشاده بعض یوللرک تعمیر و تسویہ سنہ مباشرت اولنمش اولدیغی کبی حانیہ و رسمو و قندیہ و اسفاکیہ و لاشید سنجاقلرندہ بولسان بش بیوک نهر اوزرینہ دخی کوپریرلر انشا اولنمش و جذمخانہ تأسیسی ایچون مؤخرآ مناسب بریر مبايعه ایدلمش و دیگر بعض امور نافعه نك دخی حیز حصوله گتورلمسنہ تثبث ایدلمش ایسه ده هر دلو تعمیرات و انشات ناقص صورتده اجرا ایدیلرک هاله نواحی و کوپریرلر طریقاریٹک تعمیر و تسویہ سنہ بر وجهله موفقیت حاصل اوله مامشدر .

رسمو لیمانی ریختمی ادخالات و اخراجات اوزرینہ وضع اولنان بر رسوم منضمه حاصلاتیلہ تسویہ اولنه ییش اولوب اخیرآ دخی صو مجرالر ی تعمیراتی کبی دیگر بعض امور نافعه موقع فعله قولمشدر .

حانیہ و رسمو و قندیہ لیمانلری بر منوال مشروح ونديکولر طرفندن یابدیریلوب بک فنا حالده بولنمشندن طولای اشبو اوچ لیمانک احتیاجات محلیه کوره توسیع و تعمیریله اوپولده اختیار اولنه جق مصارفه مقابل ادخالات و اخراجات اوزرینہ جزئی بر رسم طرحی صورتیلہ امتیازینی بوندن اول طلب و اولباساده مقتضی اولان سرمایه دارانی دخی تدارک ایتمش اولدیغ حالده بعض اسباب مانعه حیلولتیله ایشک ایلروسته کیدیله مامشدر .

کریڈ نظامنامه مخصوصیلہ جزیره بخش اولنمش اولان اعشار بدلاتندن ۱۲۸۶ ویدی سنه لری اعشارینک نصفی قارشولق طوتیلهرق درسمادتجه ۷۹,۰۰۰

لیرالق بر استقراض عقد اوله برق زراع طائفه سنه تهوین احتیاجلری ضمنده از
فائض ایلله آقچه اقراض ایتمک اوزره منافع صندوق نامیله گریده بر صندوق
تأسیس اولغش و اشبو صندوقک مرکز اداره سی مرکز ولایت اولان حانیسه ده
اولوب رسمو و اسفاکیه و قیدی و لاشید سنجاقلرنده برر شعبه احداث اولغشدر .
مذکور منافع صندوقلرینک ۷,۸۷۴,۷۳۴ غروش رادمنده اولان سرمایه سندن
سنوی حاصل اولان تمعات ۴۷۱,۷۰۰۰ غروش و مصارفی ایسه ۱۸۹,۹۶۶
غروش رادمنده در . تمعات صافی سنویه سندن بر مقدارینک معارفه و بر مقدارینک
دخی امور نافعیه تخصیصی مجلس عمومی و ولایتک جمله مقرراتندن بولغشدر .
جزیره ده بولان موسوی جماعته مخصوص مکتبلرک مصارفه مدار اولق اوزره
مذکور صندوق تمعاتندن مجلس عمومینک قرار یله سنوی ۶,۰۰۰ غروش جماعت
مذکوره ده دخی ویرلمکده در .

۲۰

گریدک اداره تقسیماتی

گرید جزیره سی ونیدک حکومتک اداره سی تحتنده ایکن درت سنجاغه تقسیم
اوله برق برنجیسی حانیه ، ایکنجیسی رسمو ، اوچنجیسی قیدی و درنجیسی استیه
سنجاغی ایدی . عموم جزیره نك مرکزی دخی قیدی شهری اولوب دوق Duc
عنوانی حاز اولان والی شهر مذکوره اقامت ایتمکده ایدی . جزیره نك بویولده
اولان تقسیماتی یوهان بایست هومانوس Joh. Babt. Homannus طرفندن ترتیب
ایله نیرمبغ شهرنده طبع اولوب یک نادر اولان اسکی بر گرید خریطه سنده دخی
کوسترلمکده در . جزیره نك ققندن صکره استیه سنجاغی لغو اوله برق قیدی
سنجاغه الحاق ایدلمش اولغله بالکتر اوج سنجاق قالمش و قیدی شهری دخی
کافی السابق مرکز اتخاذ اوله برق جزیره والیسی اوراده اقامت ایتمکده و رسمو
و حانیه سنجاقلرینه برر والی قائممقامی تعیین اولغشدر بولغش ایدی . جزیره نك

قضا اعتباریله تقسیمات عتیقه سی بعد الفتح ابقا اولنه رق تقسیمات مذکورده جزیره ده حانیه، سلتیه، کیسامو، آقرون، اسفاکیه، آبی واصل، رسمو، آماری، میلویو طامو، مالویز (ماله ویز)، تنوس (تمه نوس)، پیرویجه، کنوریو، منوفاج، ریزو، پندیه، لاشید، مرامله، یراپره و استیه (استیا) نامریله یگرمی قضا وارد.

مذکور اسملردن اکثریسی اسکیدن وضع اولغش اولوب منوفاج Buona facia و مرامله Mirabella کبی دیگر بعضیسی دخی و ندیکلور طرفندن وضع اولنه رق اویله جه قالمشدر. کرک قضا لک و کرک قرا ایلله مواقع سارونک و ندیک زمانده قوللانیلان اسملری و ندیکلو مارکو بوسکینی Marco Boschini طرفندن ترتیب اولنوب ۱۶۵۱ سنه میلادیه سنده طبع و تمثیل اولندیغی بالاده بیان اولنان کرید مفصل اطلاسک حاوی اولدیغی ۶۱ قطعه خریطه ده اشارت اولمشدر.

جزیره نك قضا اعتباریله تقسیمات عتیقه سی بالاده بیان اولندیغی وجه اوزره بعد الفتح ابقا اولنه رق، شو فرق ایلله که بهر قضا بر ناحیه اعتبار و ناحیه حالده اداره اولغمه ایدی. قدیه شهری دخی برهنوال مشروح سرکز اتخا ذ اولغش اولدیغی حالده ۱۸۵۰ سنه میلادیه سنده جزیره نك مرکز اداره سی قدیه دن حانیه شهرینه نقل اولنه رق تاریخ مذکور دن برو والی حانیه ده اقامتله قدیه یه بر والی قائم مقامی تعیین اولغمه ایدی.

۱۸۶۸ سنه میلادیه سنه متصادف ۱۲۸۳ سنه هجریه سنده وضع و اعلان اولنان کرید نظامنامه مخصوصی موجبجه جزیره حانیه و اسفاکیه و رسمو و قدیه و لاشید نامریله بش سجاغه تقسیم اولمشدر.

قضا ل تقسیماتی نظامنامه مذکور ایلله دخی ابقا اولنه رق آتیده بیان اولنه جفی وجهله بیوک قضا ل بر قائم مقاملق اعتبار اولغش و کوچک قضا لردن ایکشر قضا برلشدر یله رک بر قائم مقاملق تشکیل ایشدر. او اشاده حانیه قضاسی مرکز ولایتدن اداره اولغق اوزره حانیه الحاق ایدلمش اولدیغی حالده بر مدت صگره قضای مذکورک آلیکان قریه سنک اوتیه سنده کی طرفی تفریق اولنه رق آلیکان قائم مقامی نامیله قائم مقاملق حاله افراغ اولغش و قضای مذکورک جهت غربیه سی

کافی السابق مرکز ولایت مربوط قالمشدر . ۱۸۷۸ سنه میلادی سنده ایسه آلیکان قائمقاملنی لغواولنه رق حانیه قضاسی سابقی وجهله بشکرار تماماً مرکز ولایتہ الحاق ایدلمش و لغو اولنان آلیکان قائمقاملغنه مقابل ریزو قضاسنک بر قسمی تفریق اولنه رق و بانو قائمقاملنی نامیلہ قائمقاملق حالہ افراغ اولغمش و مذکور ریزو قضاسنک بقیہ سی ایسه منوفاج قضاسنه ربط اولنه رق منوفاج مع ریزو اسمیلہ بر قائمقاملق تشکیل قلمشدر . مؤخر آحانیہ قضاسی دخی کیدونیا اسمیلہ آروجه بر قائمقاملق تشکیل ایتمشدر . ۱۸۷۹ سنه سنده جزیره نك نواحیہ تقسیمی و نواحینک صورت اداره سی و تفرعاتی حقنדה بر نظامنامہ تصویب اولنوب اشبو نظامنامہ احکامجه حانیہ و رسمو و قندیہ شهرلری دخی برر ناحیه اعتبار اولنه رق بهر قضاسنک دخی جسامت و وسعتنه و مقدار نفوسنه کوره ایکی ناحیه دن آلتی ناحیه قدر تقسیمی لازم گلدیگندن نواحی تقسیماتنه لدی الابتدار عموم جزیره سکسان بش ناحیه قدر تقسیم اولغمشدر .

گریڈنک سنجاق و قضا و ناحیه اعتباریلہ تقسیمات حاضرہ سی بروجه آتیدر :

۱

حانیہ سنجاقی

حانیہ سنجاقی مرکز ولایت اولان و آروجه بر ناحیه اعتبار اولنان حانیہ شهریلہ کیدونیا و کسامو و سلنه قضالردن متشکلدر . حانیہ شهری ۱۲۵۰ سنه میلادی سنده و ندیکلورل طرفدن بنا و تأسیس اولغمشدر . الآن درون شهرده و ندیک زمانندن قالمه بر چوق بنالر موجود ایسده شایان دقت مخصوصه شیرل دگلدر . شهر مذکورک اسکی کیدونیا بلده سنک بولغمش اولدیغنی موقعده انشا و تأسیس اولندیغنی بر چوق مؤرخین طرفدن روایت اولغمشده ایسده اشبو روایتک اصل و اساسی یوقدر . چونکه اجرا اولسان تحقیقات و ایدیلان تخمیناته کوره بلده مذکورہ حانیہ شهری جوارنده کان قلادیسو تسیمیه اولسان ایرمق ایله ایلاتانیا نهری آره سنده بر یرده واقع ایدی .

کیزونیا قضاسی بر منوال مشروح بر قائم مقام اقلوب مرکزی آلیکان قریه -
 سیدر . قضای مذکور آلتی ناحیه منقسم و ۱۲۴ قریه نی حاویدر (۱۱) .
 کیسامو قضاسی کذلک بر قائم مقام اقلوب مرکزی قستل قصبه سیدر . اشبو
 قضا ۶ ناحیه منقسم و ۱۱۳ قریه نی حاویدر .
 سلنه قضاسی ده بر قائم مقام اعتبار اقلوب رزق مرکزی قادانوس قریه سیدر .
 قضای مذکور ۳ ناحیه منقسم و ۷۸ قریه نی شاملدر .
 حانیه سنجاغنده آبروجه بر متصرف بولنجیوب متصرفلق و طائفی والی به مفوضدر .
 (مابعدی نسخه بالیده)

شورای دولت ملکیه دائره سی اعضاستند

آندریا قویایسی

(۱) اثرک ختامنده گریده واقع بالجله قرانک اسملری حاوی بر قطعه جدول درج
 اولنه حق و نواحینک اسملری دخی او جدولده ذکر ایدیه جکدر .

